

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i člana 4. stav 1. Zakona o koncesijama - Prečišćeni tekst („Službene novine Zeničko-dobojskog kantona“, broj: 5/03), na prijedlog Ministarstva za privredu, Vlada Zeničko-dobojskog kantona, na 125. sjednici, održanoj dana 14.10.2021. godine, d o n o s i

ODLUKU

o pristupanju provođenju procedure dodjele koncesije za istraživanje ruda obojenih metala na lokalitetu „Saski do“, Općina Vareš

Član 1.

(Predmet)

Pristupa se provođenju procedure dodjele koncesije za istraživanje ruda obojenih metala na lokalitetu „Saski do“, Općina Vareš.

Član 2.

(Lokacija)

(1) Istražno polje Saski do, Općina Vareš čini jedno područje. Istražni prostor ležišta „Saski do“, površine cca 128 ha (1.280.000 m²), definisan je koordinatama prelomnih tačaka i lociran je na parcelama kako je prikazano u Geodetskom elaboratu lokacije istražnih radova KO Dragovići-KO Planinica, općina Vareš, mjereno 27.07.2020. godine, Zaključku Općinskog vijeća Vareš i Zaključku o izmjeni Zaključka Općinskog vijeća Vareš (K.O. Dragovići-K.O. Planinica, općina Vareš).

(2) Istražni prostor „Saski do“ definisan je koordinatama prelomnih tačaka:

<i>Istražno područje "Saski do"</i>		
Broj tačke	Y	X
1	6 524 260,00	4 890 720,00
2	6 525 040,00	4 890 370,00
3	6 525 010,00	4 890 300,00
4	6 525 180,00	4 890 220,00
5	6 524 920,00	4 889 640,00
6	6 523 280,00	4 890 320,00
7	6 523 630,00	4 890 840,00

Član 3.

(Opći eliminatorni uslovi)

(1) Opći eliminatorni uslovi za izbor najpovoljnije ponude za dodjelu koncesije su sljedeći:

- a) Studija ekonomske opravdanosti dodjele koncesije,
- b) Dokaz o ranije stečenim pravima korištenja predmeta koncesije po osnovu vlasništva nad zemljištem i objektima ili odobrenja drugih organa dobivenih na osnovu posebnih zakona, u slučajevima kada je to neophodno za korištenje predmeta koncesije.

(2) Opći eliminatorni uslovi vezani za ličnu i profesionalna sposobnost privrednog društva su sljedeći:

- a) Uvjerjenje nadležnog suda da nije pravosnažno osuđen za krivično djelo i/ili prekršaj u vezi sa obavljanjem privredne djelatnosti (počinjen u periodu od 3 godine prije početka postupka dodjele koncesije ili od datuma registracije odnosno početka poslovanja, ako je ponuđač registrovan ili je počeo sa radom prije manje od 3 godine),
- b) Uvjerjenje nadležnog organa da nije predmet stečaja ili likvidacije i da nije u postupku stečaja ili likvidacije,
- c) Uvjerjenje nadležnog organa o izmirenim javnim prihodima (porezi, indirektni porezi, doprinosi za PIO/MIO i plaćenju koncesionoj naknadi),

d) Aktuelno rješenje o upisu u sudski registar.

(3) Dokazi se dostavljaju u originalu ili ovjerenoj kopiji i ne mogu biti stariji od 3 mjeseca računajući od dana dostavljanja ponude.

(4) Opći eliminatorni uslovi vezani za ekonomsku i finansijsku sposobnost privrednog društva su sljedeći:

a) Izvod iz Jedinstvenog registra računa Centralne banke BiH o svim računima ponuđača,

b) Potvrdu poslovne banke ponuđača da njegov glavni transakcijski račun nije bio blokiran u prethodnih 6 mjeseci ili od datuma registracije odnosno od početka poslovanja ako je ponuđač registrovan ili je počeo sa radom prije manje od 6 mjeseci.

Član 4.

(Posebni uslovi)

Posebni uslovi za izbor najpovoljnije ponude za dodjelu koncesije za istraživanje ruda obojenih metala su sljedeći:

a) Vrijeme koncesije za istraživanje je ukupno 3 godine. Ovo vrijeme počinje od dana dobijanja Odobrenja za geološka istraživanja mineralne sirovine od nadležnog organa, i uključuje, i eventualno, i vrijeme produžavanja roka za istraživanje shodno Zakonu o geološkim istraživanjima Federacije BiH („Službene novine Federacije BiH“, broj: 9/10),

b) Vrijeme koncesije za istraživanje se može produžiti shodno važećim materijalnim propisima,

c) Koncesionar je dužan početi sa istraživanjima u roku od 15 dana od dana pravosnažnosti Odobrenja za geološka istraživanja,

d) Minimalna jednokratna koncesiona naknada za istraživanje, regulisana Odlukom o utvrđivanju minimalnih naknada za koncesije („Službene novine Zeničko-dobojskog kantona“, broj: 6/13, 16/18 i 9/20) je 150 KM/ha istražnog prostora, pa za koncesioni prostor ležišta „Saski do“, u općini Vareš, čija je površina 128 ha, iznosi 19.200,00 KM, (slovima: devetnaest hiljada dvijestotine KM),

e) Ovjerena izjava da pod krivičnom i materijalnom odgovornošću, nesporno, prihvata obavezu da u toku istraživanja, u slučaju nailaska na sirovine plemenitih metala, obavijesti Koncesora i iste deponuje u području istražnog lokaliteta,

f) U slučaju potvrde od strane nadležnih organa da je dio lokaliteta miniran, koncesionar je obavezan da o vlastitom trošku izvrši deminiranje predmetnog područja. Koncesionar je dužan početi proces deminiranja nakon potpisivanja Ugovora o koncesiji sa Ministarstvom za privredu Zeničko-dobojskog kantona. Rok u kojem će se izvršiti deminiranje će se utvrditi Javnim pozivom za dodjelu koncesije i ne može biti duži od godinu dana. Proces deminiranja će se izvoditi tako da ne ometa proces detaljnih geoloških istraživanja, te je koncesionar dužan tome prilagoditi Projekat detaljnih geoloških istraživanja na datom lokalitetu.

Član 5.

(Ostali uslovi)

(1) Ostali uslovi za izbor najpovoljnije ponude za dodjelu koncesije za istraživanje ruda obojenih metala uključuju da će se koncesija dodijeliti prema kriteriju najpovoljnijeg ponuđača, odnosno po principu najvećeg zbira bodova po osnovu kriterija, koji uključuju visinu jednokratne koncesione naknade i period istraživanja kao i na osnovu općih kriterija dodjele koncesije za istraživanje ruda obojenih metala na istražnom prostoru ležišta „Saski do“, u općini Vareš.

(2) Vrednovanje ponuda je:

a) jednokratna koncesiona naknada maximalno 60 bodova;

Ponuđač sa najvišom ponudom dobija 60 (šezdeset) bodova.

Svaka naredna niža ponuda dobija 5 (pet) bodova manje.

b) period istraživanja maximalno 40 bodova;

Ponuđač sa najkraćim periodom istraživanja dobija 40 (četrdeset) bodova.

Svaka naredna ponuda sa dužim periodom istraživanja (mjerna jedinica je godina) dobija 5 (pet) bodova manje.

(3) U slučaju da su dvije ili više ponuda jednako rangirane po broju bodova, prednost ima ponuda sa najvišom jednokratnom koncesionom naknadom. U slučaju da su dvije ili više ponuda jednako rangirane po broju bodova i nude jednak iznos jednokratne koncesione naknade, prednost ima ponuda koja je zaprimljena ranije.

(4) Najpovoljniji ponuđač (koncesionar) dužan je prije potpisivanja koncesionog ugovora Ministarstvu za privredu dostaviti:

- a) geodetski elaborat sa katastarskim planom i identifikacijom parcela,
- b) uplatnicu na iznos jednokratne koncesione naknade.

(5) Najpovoljniji ponuđač (koncesionar) i Ministarstvo za privredu (koncesor) će Ugovorom o koncesiji regulisati rokove u kojima je neophodno obezbijediti:

- a) geodetski snimak „nultog stanja“ istražnog polja,
- b) dokaz o riješenim imovinsko-pravnim odnosima za parcele iz istražnog prostora prije ulaska u posjed,
- c) upis prava služnosti u istražnom prostoru u Zemljišne knjige kako je to precizirano članom 16. Zakona o koncesijama-Prečišćeni tekst („Službene novine Zeničko-dobojskog kantona”, broj: 5/03).

Član 6. (Istraživanje)

Istražne radove, kao i sve druge prateće poslove, Koncesionar je dužan izvoditi u skladu sa odredbama važećih zakona i propisa kojima je uređena oblast istraživanja mineralnih resursa, te drugih važećih zakonskih propisa.

Član 7. (Provođenje postupka izbora)

Zadužuje se Ministarstvo za privredu da u skladu sa članom 11. Zakona o koncesijama-Prečišćeni tekst („Službene novine Zeničko-dobojskog kantona“, broj: 5/03), putem Komisije koju imenuje ministar Ministarstva za privredu, provede postupak prikupljanja ponuda, izvrši odabir u skladu sa odredbama Pravilnika za ocjenu najpovoljnije ponude za dodjelu koncesije („Službene novine Zeničko-dobojskog kantona“, broj: 3/03) i predloži Vladi da donese odluku o dodjeli koncesije najpovoljnijem ponuđaču.

Član 8. (Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-13885/21

Datum, 14.10.2021. godine
Zenica

**PREMIJER
po ovlaštenju**

Spahija Kozlić

DOSTAVLJENO:

- 1x Ministarstvo za privredu,
- 1x Ministarstvo za prostorno uređenje, promet i komunikaciju
i zaštitu okoline,
- 1x Ministarstvo za poljoprivredu, šumarstvo i vodoprivredu,
- 1x „Službene novine Zeničko-dobojskog kantona“
- 1x a/a.